

## 〈祭蚊蚋文〉

維

某日之中夜，血主藤村居士，謹以鮮血快掌之奠，致祭於亡蚊蚋之靈曰：

嗚呼蚊蚋！短小精明，飛行捷速。其生於溝水之中，乃不畏污水之毒；而彊生於其間，輒能避浮沉之穢物。其他匯諸路污水之多：故如浴畢，塵垢之去身；廁畢，通體之舒泰；食畢，器皿之潔淨，其水皆排於屋後黯溝中。而汝生處於此，正可謂身在污濁，不屈不撓，愈挫愈勇。汝堅毅之志，吾則當效之矣。

嗚呼蚊蚋！汝生命之強毅，堅不可摧，如銅牆鐵壁，其固可知之矣。然風雲尙有未卜，禍福每爲不測。其豈知振翼高翔於吾顛者，一旦落入吾掌，而一命嗚呼矣！吾固知汝惜命若金，凡事皆慎思爲先。故在飲血之前，必先度觀人之行止，明查其疏漏之處；迅疾而下，咕以嘬之。飲畢，速即高飛，人每有未察覺者。而今已矣！

嗚呼蚊蚋！自古有死，萬物終將歸塵土；只命各殊途，終不能臆其將歸何處也。今汝喪命吾掌者，非汝不慎，實亦爲命也夫。嗚呼哀哉！尙饗。